

Қазақстан Республикасы Президентінің "Иран Ислам Республикасынан және басқа мемлекеттерден отандастардың көшіп келу квотасы және қоныс аударуын ұйымдастыру жөніндегі шаралар туралы" 1993 жылғы 15 сәуірдегі N 1184 қаулысын орындау жөніндегі шаралар туралы

Қазақстан Республикасы Министрлер Кабинетінің қаулысы 27 мамыр 1993 ж. N 437

Қазақстан Республикасы Президентінің 1993 жылғы 15 сәуірдегі N 1184 қаулысын орындау мақсатында Қазақстан Республикасының Министрлер Кабинеті қаулы етеді:

1. 1993 жылғы көшіп келу квотасын облыстар бойынша қосымшаға сәйкес бөлу бекітілсін.

2. Облыстардың әкімдері:

отандастардың отбасыларын қабылдап, орналастыруға байланысты мәселелерді шұғыл қарау жөнінде облыстық комиссиялар құратын болсын;

отандастардың отбасыларын қабылдау үшін тұрғын үй және басқа да әлеуметтік-тұрмыстық жағдайлар әзірлеу жөнінде шаралар қабылдасын;

Қазақстан Республикасы Министрлер Кабинетінің "Тұрғын үй шаралары үшін халыққа берілетін несиелердің мөлшерін өсіру туралы" 1993 жылғы 21 сәуірдегі N 322 қаулысына сәйкес келіп жатқан отандастарға жеке және кооперативтік тұрғын үй салуға несие бөлу жөнінде жәрдем көрсетсін;

қоныс аударушылар жағдайға бейімделіп, уақытша тұратын облыстық пункттер құратын болсын.

3. Қазақстан Республикасының Сыртқы істер министрлігі:

тарихи отанына қайтып келуге тілек білдірген отандастардың құқықтары мен бостандығын қорғау мәселелері бойынша Қазақстан Республикасының министрліктері, ведомстволары және тиісті мемлекеттер арасында шарттар жасау шараларын жүзеге асыратын болсын;

қоныс аудару кезінде аумақтары арқылы өтетін қоныс аударушыларға жәрдем көрсету жөнінде тиісті мемлекеттердің Сыртқы істер министрліктеріне дипломатиялық жолмен хабарлайтын болсын.

4. Қазақстан Республикасының Көлік министрлігі Еңбек министрлігімен бірлесе отырып, қоныс аударатын адамдарды, олардың жеке мүліктерін көшетін мемлекеттің аумағынан баратын жерлеріне дейін тасымалдау тәртібін белгілейтін болсын.

5. Қазақстан Республикасының Білім министрлігі қоныс аударушылардың отбасы мүшелерінің білім берудің барлық түрлерінде оқуын жалғастыруына, балаларын мектепке дейінгі мекемелерге орналастыруға жәрдем көрсету жөнінде шаралар қабылдайтын болсын.

6. Қазақстан Республикасының Экономика министрлігі мен Қаржы министрлігі өзінің тарихи отанына қайтып келуге тілек білдірген қазақтардың отбасыларына тұрғын үй салу және орналасу үшін 1993 жылдан бастап қаржы бөлуді көздейтін болсын.

7. Қазақстан Республикасының Ішкі істер министрлігі жол үстінде қоныс аударушылардың жеке бастары мен мүліктерінің сақталуын қамтамасыз ететін болсын.

8. Қазақстан Республикасы Қаржы министрлігінің Кеден бас басқармасы, Ұлттық қауіпсіздік комитеті Шекара әскерлерінің бас басқармасы мемлекеттердің тиісті органдарымен адамдарды және олардың жеке мүліктерін шекарадағы бақылау-өткізу пункттерінен жедел өткізу мәселелерін пысықтайтын болсын.

9. Қоныс аудару шараларын қаржыландыру "1993 жылғы арналған республикалық бюджет туралы" Қазақстан Республикасының Заңына сәйкес Халықты жұмыспен қамтуға және көшіп-қонуға жәрдемдесудің мемлекеттік қорының қаржысы есебінен жүзеге асырылсын.

1 0 . < * >

ЕСКЕРТУ. 10-тармаққа өзгерістер енгізілді - ҚРҰ-нің 1996.08.09. N 987

қ а у л ы с ы м е н

ЕСКЕРТУ. 10-тармақ күшін жойды - ҚР Үкіметінің 1999.08.18. N 1194 қаулысымен

11. Қазақстан Республикасының Ұлттық банкіне Халықтың көшіп-қону департаментінің, еңбек және жұмыспен қамту жөніндегі облыстық комитеттердің (басқармалардың) ағымдағы есеп шотын ашу тапсырылсын.

12. Қазақстан Республикасының Ауыл шаруашылығы министрлігі облыстардың әкімдерімен бірлесе отырып, қоныс аударушылардың жеке меншігіндегі малын айдап келуді қамтамасыз етсін.

13. Қазақстан Республикасының Өнеркәсіп министрлігі қоныс аударушылар отбасының еңбекке жарамды мүшелерін өнеркәсіп орындарына жұмысқа тарту мүмкіндіктерін қарастырсын.

14. Қазақстан Республикасының Жастар ісі жөніндегі мемлекеттік комитеті отандастардың отбасыларын орналастыруға көмек көрсету үшін жастар мен студенттерден мүмкіндігіне қарай ынталы топтар ұйымдастыратын болсын.

15. Қазақстан Республикасының Еңбек министрлігі:

осы қаулыны орындау жөніндегі жұмыстарды үйлестіруді және бақылау орнатуды қамтамасыз етсін, отандастардың қоныс аударуы жөніндегі жұмыстардың барысы туралы ай сайын Қазақстан Республикасының Министрлер Кабинетіне хабарлап
о т ы р а т ы н б о л с ы н ;

қоныс аударушыларды жұмыспен тиімді қамтуды қамтамасыз ету мақсатында олардың еңбекке жарамды отбасы мүшелерін даярлау, қайта даярлау және біліктілігін арттыру жөнінде шаралар қолданатын болсын;

Қазақстан Республикасының Министрлер Кабинетіне осы қаулының орындалуы жөнінде тоқсан сайын ақпарат беріп отыратын болсын.

*Қазақстан Республикасының
Премьер-министрі*

Қазақстан Республикасы
Министрлер Кабинетінің
1993 жылғы 27 мамырдағы
N 437 қаулысымен

Бекітілген
**1993 жылы көшіп келу квотасын облыстар бойынша
Бөлу**
(отбасы)

	Мон- ғолия	Иран	Ресей	Тәжі- кстан	Өзбек- стан	Түркі- мен- стан	Бар- лығы
Ақмола облысы	200	-	200	-	-	-	400
Ақтөбе облысы	250	250	100	-	50	-	650
Алматы облысы	100	250	50	50	50	-	500
Атырау облысы	-	100	50	-	100	-	250
Шығыс Қазақстан облысы	350	-	250	-	-	-	600
Жамбыл облысы	-	250	-	200	100	-	550
Жезқазған облысы	200	-	100	50	50	-	400
Батыс Қазақстан облысы	-	200	300	-	-	-	500
Қарағанды облысы	400	-	200	-	-	-	600
Қызылорда облысы	-	150	-	-	50	50	250
Көкшетау облысы	350	-	350	-	-	-	750
Қостанай облысы	200	-	300	-	-	-	500
Маңғыстау облысы	-	300	-	-	-	750	1050

Павлодар облысы	200	-	400	-	-	-	600
Солтүстік Қазақстан облысы	200	-	250	-	-	-	450
Семей облысы	200	-	150	-	-	-	350
Талдықорған облысы	200	250	50	-	50	-	550
Торғай облысы	150	-	200	-	-	-	350
Оңтүстік Қазақстан облысы	-	250	-	200	300	-	750
Жиыны	3000	2000	2950	500	750	800	10000

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК